

培山經紀事實



Handwritten text in Chinese characters, oriented vertically on the right side of the page.

Printed text at the bottom center of the page, possibly a date or reference number.

培山書堂經紀事實畧

按培山在朝鮮慶尚右道今稱南道丹城縣治今屬山清郡之西南數武許山自方丈逶迤東走岡巒起伏歷八九十里蜿蜒拱抱水自湖南之界而來其源有三一曰嚴川江從雲峯而出通方丈內山歷舍城至山陰為鏡湖一曰渭水從白雲山而出一曰錦水從安陰縣而出至舍城則為濫溪溪上有一壺鄭先生祠焉二水合于鏡湖遙遙東馳入于丹城則為新安江陶白馬而為赤壁匯嚴山而為文川今培山之為洞也背小山坡而向文川巖壑秀麗川原平曠自成一區名儒碩輔多出於其間粵在高麗王氏之末葉周尚書世侯居之文忠宣公三憂堂先生又以周氏女壻入居此里道學之名冠冕之盛世濟其美其後李謹軍季通為忠宣公曾孫壻

而其子叅奉承文因居此里世守基業云以上為清香堂先

生父祖兩世而文氏移于他處

韓朝燕山君七年

明弘治十四年

辛酉十月初十日清香堂李先生源

生于培山里第據縣誌則曰李先生道德言行大為一代所推

與退溪南冥兩先生交誼甚篤云

退溪先生贈清香堂先生詩十四首錄六

次韻答友人庚申

清香堂稟舊知人恠物天池尚卧濱欲向陶山問心事伐檀河上詠漣淪

右李君浩清香堂字也

按天池恠物之喻問心伐檀之語何等鄭重何等期待觀此則兩先生相與之情可見矣

記我曾遊地聞君獨卧時訪人驚鬼錄得句寄漁磯共想年顏

改何嗟鬢髮稀
琬投愧南產報答只空詩

觀此則可知培山為老先生經遊之地矣

南冥曹君捷仲清香李君浩與余皆生於辛酉近李君
寄示南冥一絕并其詩三絕其言淡有感於老懷次韻寄

李君兼示南冥甲子六月初旬

三人初度有誰知
先甲三年酉是期
邈阻頭流與培養即培山

可無相憶遍傳詩

頭白相知豈謂新
詩來驚破一軒春
自慚昏病年來甚
却道淡功良背人

同庚霜雪滿頭吹
共歲今方百九奇
安得孟韓俱變化
雲龍相逐不相離

莫恨光陰向老催
雲山同是隔塵埃
陶欣松竹為三益
杜狎鸕

鵲咏百回

退溪先生寄清香堂先生手柬

十三錄五類皆問及於南冥先生者

千里遙程僧來致書曾是不意開緘細讀宛接風範幸荷之至
慰釋無比如滉僻陋無似長卧漳濱形神彫瘁志業鹵莽仰古
難追處今多愧常冀親舊之中有能痛惠規警庶幾有益而來
書之言引重揄揚擬非其倫使人羞縮汗下不敢承當如公不
是欺人者何故如此耶就中所云陶山記者偶於病中試出戲
語消遣愁寂而已不意子侄輩私相傳示致誤播出其為有識
嗤點何可勝言耶中畧且來詩亦當效嘖而悲冗未果先生當
缺恨難喻亦俟後日贖此逋慢是計丑卯嘉貺拜領琬感琬感
臘藥小封安息香十六枚小見微意惟笑領如何餘祝以時加
重不宣南冥高隱想神相清福莫由際接但增馳慕馳慕甲子

暮春十三日

上畧兩地聲聞不接豈勝悠悠僕凡百依前就中前來紙幅書
已久置無便未即送且其中六幅漬污不堪着筆亦可恨也竊
覲示意其於屏紙欲得漉陶山諸詩僕偶於閒中戲為五七言
絕句聊以自遣其懷不意播拙於遠邇已甚愧汗今豈可自寫
屏幃之間哉只寫古人詩呈上勿以為誚中畧南冥一絕及盛
詩三絕次韻別紙奉呈笑領兼示南冥翁如何惟照亮甲子六
月初旬

不意寄札傳自襄陽兼得惠詩三絕俱悉近况佳勝遙深欣慰
欣慰又知夢遇異人得授嘉論此必由平日好奇尚異之心發
於寤寐之間而然恐不須遽自矜負要當思有以補其弛者益
務韜養為佳耳九思齋命名之意亦謹聞而謬囑記文及示詩

等皆當奉和且作只緣去冬雪寒異甚若纏寒未暇搆思愧負
奈何奈何聞南冥經由相款不知有何奇論耶言不盡意惟玆
悲萬萬不一謹拜復乙丑

千里僧來奉閱辱翰承知起處清茂豁此懸鬱幸荷幸荷去春
果有南行計竟至蹉跎重尋舊遊非所望遂致種種狼狽以至
今日病益深而人之疑謫不息不知何以結末令人憂懼奈何
南冥亦值禮羅所被然處之已得宜可羨可羨下畧 丙寅閏小
春十一日

去年得見惠問及兩絕句久未酬報即今歲換履候想益清茂
混一墜塵網欲脫愈嬰病過三冬俯仰慚懼世必有高人卧雲
下視而嗤笑不意七十之年百病殘身復見此事也桃花春漲
當掛歸帆第以抽身之不易為慮南冥必已還德山矣近日經

席又有請名致者賴復有知南冥心事者方便論白故得停為
南冥寢賀已巳正月十八日

南冥先生贈清香堂先生詩十首錄三

贈李君浩

四同元不在新知擬我曾於鍾子期七字五言金直萬傍人看
作一篇詩

按四同者同年同道同心同德之謂也退陶詩中三人初
度有誰知先甲三年酉是期之咏蓋和先生此詩故其題
語中南冥一絕甲子六月初旬手秉中南冥一絕之云直
指此詩無疑三先生相與之情益可見矣

琴韻

清香堂八詠之一下同

三聖幽微在一琴寂然收處是真音慚君勉我峨洋韻薄劣如

何會得吟

經傳

廣文頗似子雲家稽古由來得力多活法會須堂下劉五車書
在一無邪

中宗大王二十三年

嘉靖七年

戊子四月初七日松堂李先生

光坤

生于培山里第據南冥先生師友錄則公字厚仲號松堂清香
堂子也逮其父時已自成人出入於先生之門好善嫉惡出於
天性丁憂廬墓三年與吳德溪崔守愚鄭寒岡河覺齋諸賢情
分浚厚又據家傳文牒則嘗以親命屢登退陶先生之門云
宣廟壬辰之際公入關北之定平見北俗質甚因阻亂流寓雖
在倉卒之頃而諭之以學教之以禮幾乎移風至 肅廟時士
林建祠宇于定平鼻白山下以供俎豆之奉年前因 邦禁見

輟

趙月皋性家曰余自少得聞清香堂之為退溪南冥四同之友而退溪詩之清香堂稟舊知人恠物天池尚卧濱南冥詩之廣文頗似子雲家稽古由來得力多尚誦之而不忘矣至於松堂之為退冥兩門門人而克勤清香之播構且關北之蹟始聞於君之所誦老而見識之謫如是愧孰甚焉聞善而瘖昔人所譏謹次所示之韻竊寓尊先兩先生高山景行之思爾所不之韻即松堂后

孫某精舍韻也

中宗大王二十四年

嘉靖八年

己丑二月十三日竹閣李先生光友

生于培山里第據國朝人物考及東儒師友錄公字和甫號竹閣陝川人清香堂從子早遊南冥曹先生門對中庸章句極詳盡無遺先生喜曰不圖汝之曉解如此安貧樂道不為物欲所

累時在要路者欲授官力辭不赴與崔永慶鄭述河沆為道義
交戊子中風痺時鄭公守咸安廟送藥餌賴以得瘳

明廟丙寅先生三十八歲以伯父清香堂先生命往拜退溪先
生質問理氣之論有陶山拜門錄一通

退溪先生歿先生為位慟哭曰斯文喪矣遂為制服心喪以詩
挽之入于兵燹惟存學貫天人際一句意已盡矣

南真先生歿先生與諸門徒相向而哭失聲而後退共遵遺命
以儀禮治喪遂為心喪三年之制以詩哭之曰父師三甲契退
老及先生道學千年士文章百世英山河收正氣宇宙尚高名
治任將歸路難窮小子情

宣廟戊子先生與趙月川李日新崔守愚諸賢初建清香堂先
生書院于新安其後入于兵燹

正廟戊申士林建清香堂竹閣兩先生書院于培山其後因邦
禁見輟

孔少霈先生和九思齋重建韻

丙辰中秋前四日子明君以其家大人惺軒公本稿補敘

成後改之

重脩先代九思齋詩見示仰見高門世德歷久

彌新遠紹尼山心法不勝景行嚮往之私追和原韻即希

鑒政

清香先德遠知名舊署高齋兩字成四子遺經傳海國三庚儒
望紀朱明歲寒小院饒三友座擁陳編傲百城祖訓低徊詩不
就思為心職愧平生

闕里孔祥霖未定草

章

附李參奉忠鎬上行聖公書

燕庭上公鑒忠鑄生長東韓受罔極之恩於我

先聖夫子而區區懸仰之情則抑有別焉竊伏念我

先祖文純公講道東溟仰沐洙泗之波雖東瀛先輩比諸閩

中之考亭則

閣下想亦因滬上各書局可攷敝邦文化史矣近因域內珎城
郡多士慨儒教之不振憂世道之益瀹謀修俎豆之奉而先
立書堂于郡之培山欲以先祖庚友曹南冥李清香堂昇享
焉乃愬如而歎曰彼耶佛之徒立教堂必尊教祖與其專享
域內之先賢盍若崇奉我

大聖祖使吾輩慕聖衛道之心遠勝於二氏之徒乎遂拓土
於其上欲立文廟以享

先聖先師兩位而顧東土有木牌而無真像伏乞

閣下念此苦衷特命畫工模出端木子所刻行教像或尼邱山
預頂本兩李君奉而東還則實海外千載之幸而可聳動儒
門之觀聽矣伏惟

閣下之留意焉

孔子二千四百七十一年庚申二月二十八日

按李寢即發書在庚申而行聖公之歿在己未則山海阻遠
未克臨時奉訃幽明之感謂當如何哉顧衛斯文奉聖像之
舉事體重大自聖公府將右械焚化于靈前特開秘書廳會
議爛熳商確以新襲封衍聖公孔德成名義覆于李寢即如
左

李十吾軒先生

台啓

曲阜衍聖公府秘書處拜干

敬啓者本月十二日李君真菴偕其价弟不辭跋涉辱臨敝邸
並収到

來函乙件當派招待貢孔慶錫陪謁 廟庭繼由該貢報告來
意端為迎請

聖像足徵尊崇

聖教深琬琰惟敝邸世守供奉祇有大成殿塑像藏本所有
行世者即為吳道子石刻行教 像及後世摹刻之像除此別
無遺 像若摹畫甚難若用電光照法則殿宇深宏無所措手
不得已僅檢此二像敬交李君奉回然我儕讀書尊

聖教要在誠心重質非重文不在形迹上講求也

先生達人必不以此言為不經耳又讀陶山書院通硯山道統
祠辨文而尊教之意更屬專一 廟庭補謂歷代皆以文廟傳

若以之云祠則褊小矣大失乎尊教之道漢太公著史冊列為世家未聞有年譜之稱自應以太史公為則至理學家自漢迄今相繼多輩孔族未聞先師以外傳之鮮鮮安子不過儒家一脉何能與孔子并列良謬先生既尊教意誠尚望隨時指正幸勿視為異途此不過伊等一時失察其為尊聖心篤亦可嘉也和衷共濟扶持我道渡此厄運則幸甚此頌
十吾軒先生有道

七十七代衍聖公孔德成頓首

四月十六日

再者奉致先公函已敬讀於靈前焚化
并聞
又及

康南海答李紱奉書

寢郎李君執事李君炳憲承承

惠書勤勤推許過甚然敦二乎

尊聖衛教繼往開來可謂篤信好學守死善道者矣盛德大業
甚盛

執事為 退溪先生之裔

明德之後不忘其先克繼其志能述其事固苦艱難貞心大力

遠聞 風流側仰無既所屬書額皆寫訖交李君炳憲奉還並

以拙著春秋論語偽經考三種交李君携存培山書堂以備

貴邦人士考索方今世變彌大然孔子之道圓周溥博四通六
闢無所不在其最要之旨在禮記禮運之言小康大同在春秋
言三世之據亂升平太平夫春秋之義不在左傳而在公羊口
說之董氏何氏若不知古文左傳之偽則不知今文公羊之真

則孔子之大道終無由明但據諸經據亂之說狹小孔子範圍
則對於歐米民主之政國際之學及一切新說皆不能範圍則
孔子之道宣不窮而將弊乎故與李君炳憲極言之偽經考所
以辨偽孔經之非而存其真論語註所以考今文之說而存七
十子之學春秋筆削大義微言考則稍備孔子三世之學庶幾
孔子之道不墜惟

留意努力

明德復承

興居不宣

康有為啓

三月十七日

附培山書堂營建年月日及旨構趣旨請記文時筆記

已未正月初二日開基

四月初二日立柱同九日上梁

培山書堂即講堂乃士林會議講演之所也堂之北將建道東祠以享退溪李先生南冥曹先生其學問事業見五先生行畧中清香堂李先生（即丹城鄉先賢李曹兩先生同訪培山）而以清香堂子松堂光坤從子竹閣光友從享焉松堂則南冥先生高足而亦遊於退溪先生之門竹閣則退溪南冥兩先生之高足而特被兩先生獎許蓋培山書堂初建之議本自李氏及丹城晉州數郡士林所發而李寢即忠鎬君以為專數郡之私議不若合四國之公論享東賢之俗例不若奉教祖之通義遂遣李君炳薰走之中國請記文于先生再訪闕里欲模得先聖先師之真像又更設文廟于道東祠之上云（若地理來歷則見篇首）

培山書堂設主與上自書

儒會

右請記文時筆錄

嗚呼惟我培山即清香堂李先生及松堂竹閣兩先生二長之地而退陶南冥二夫子杖屨之所也培山書堂之設立豈徒然哉或者議祠廟尊奉之道而以為兩先正不當與享又云先聖不當擅奉若究其實際而言則誠有所大不然者推尊祖之心而尊賢則其心漸公推尊賢之心而尊聖則其心公而漸大矣况奉先聖之真像求先聖之真經以致真尊先聖之意特設文廟而復古儀以寓獨尊敬祖之方則實今日當行之急務而不刊之定論也至於退陶南冥二夫子則為儒門百世之師而東方之衣儒冠儒者所共尊也李門香松竹三先生之師友淵源於二夫子與之躋享以普通公議而言則未必不持難然兩夫子之遺躅必在培山祠廟之設又在培山且據中朝故事則程朱諸賢之立祠于各地也必以當地門人及有望者配之惟雙峯書院則用四賢并享例而揚龜山為首廖剛次之朱文公次

之廖子晦次之考之典禮可據如彼叅之事態勢又難已此實一時
不易之正義也若中古校院之設則必以朝命為重然今則民權漸
盛教堂之設專自教中辦理况藉闕里公府之屬意辦先聖之教堂
者乎今夫循李門親之序而致吾林尊賢之義曰吾林尊賢之義
而發現世尊教之念譬如舟行者沿溪澤而達江河自江河而放諸
海也於以障狂瀾於東川存舊國之真粹行將與滿天下仁人志士
以保斯文之陽脉則吾黨幸甚斯世幸甚

附進行事目

一勿論教會與學會其成立也必順應乎大勢不違反乎法律然後
能定完全之基礎夫儒教之本在忠孝而聖人之語忠孝也有淺
深小大之別溝瀆之諒婦寺之忠為忠之淺者小者商之此干為
百姓而諫死則聖人稱其忠躋于仁始知為君主而忠者忠之淺

遊

而小者也為國民而忠者忠之深而大者也聖人有云身體髮膚
受之父母不敢毀傷又曰父母在不遠遊必有方此屬孝之淺而
小者聖人有云殺身成仁又曰立身揚名以顯父母孝之終也此
屬孝之深而大者顧現世儒者狃於淺小之忠孝暗沮遊學之義
風逆抗世界之大勢今日青年懲於淺小之忠孝誤解先聖之本
意打破倫常之真理本會發起之主者則欲調劑乎兩間順應今
日之大勢不違教育家法律以立宗教之標本者也

一今日儒門切急之務在必得先聖之真意故如奉先聖必奉先聖
之真像如讀聖經必讀先聖之真經將與江湖諸君子另當討
議乎實際而先聖之微言大義與今日世界大勢相左右而逢原
則不得不為江湖諸位先寄一語也幸
僉君子之留意焉
一現今自李氏門中先捐幾萬金巨款幾千坪基址外內之策應見

已完定堂宇之肯構見已突兀嗣後經紀之方針則惟文廟也祠
宇也二座屋子必當經始而後進行節度可無礙也故今已選定
人負為保合修稷之舉伏惟江湖

僉君子念此事狀隨意助力以敦大事則此實斯文之幸而其於
文廟及祠宇兩大建筭也如有擔芬其一切之費者則當自本所
派定人負講究褒獎之方使內外國人知東方有衛道扶教之名
士矣幸 僉君子之留意焉

二千四百七十二年辛酉九月 日

培山書堂儒會發起人

李忠錫 柳達佑 李韶久

朴圭浩 金在洵

權相瓚 朴在九

曹庸相 趙顯珪

盧晉鉉 李炳元

權秉鐸

文廟立柱 壬戌四月二十六日 列礎同日 上梁 五月初六日

道東祠列礎立柱上梁同上 門各三間

附 文廟上梁文

民生苦痛而欲蘇正義人道為對症之良劑天運好還而不息小康大同作隨時之順序援古證今自歐徂亞其心在我而孔仁此理極天而罔墜伏惟我

至聖先師道併六合志在三重以神設教寓微言於犧畫據亂致平發大義於麟經殫誠求之則皦如星日竭力從之則彌仰宮牆中庸配天之旨宣昭明乎祖德亞聖重民之訓乃有得於至論迨今日以來風潮之至翻如海倒由西京而下口說之傳凜若髮危可惜二千

餘載蕪榛久矣其奈十六億人前道何哉爰述漢唐叔宋之淵源苗
脉可尋緬惟羅麗有韓之文化規模已具嗟我培山堂宇之營謀茲
未裔佛息之報懼異道之多端願併行而不悖李寢卽之保教雅量
由親賢而反本聖公府之救時切務體居正而無外監于五大洲集
中之大勢允矣新文王改制之當行誠請問于紳士盍將歸乎學庠
遂乃定方于中經始勿亟環域以內詢謀僉同運松木於巖江之北
屹擇石村於赤壁之東陵奉真像而仰真神抑教門之同調購真經
而講真理實吾輩之苦衷真之所在靈偽自除所貴乎吾道者斯而
已茲撰攬梁之頌用助卽偉之呼拋梁東賢岳嶢峨瑞日紅為慕函
造浮海志滄溟千載活源通拋梁南汶水決一碧似藍欲知逝者如
斯意今古東西一理涵拋梁西望海峯頭草樹低手把猗蘭歌古操
與誰幽谷共提携拋梁北星斗燦然環拱極始信寰球含氣倫永終

同園聖人域抱梁上方丈雲烟八俯仰高遠規程自通卑師門開示
若垂象抱梁下山海隴雲開講舍隆緒茫々孰繼承東方二老能支
履伏願上梁之後山川呈瑞籃風瑟雨不侵乎明沙翠壁之區天地
同春口訣心詮普及字圓臚方趾之列舉大本而既陳矢宏綱之不
拔

道東祠上梁文

賢哲之藏修不過專廟後輩之感歎無已地靈之精彩惟保典型居
人之興慕不集是以歷世宗師之股肱遍于當時杖屨之遺墟竊伏
念我培山一區惟李門三先生鍾毓之基寔巔表兩夫子經遊之野
竹月松風陪函丈於山海臘梅香液懷可人於隴雲茲值風潮之變
遷為圖倫理之保存若求諸東方則舍太白頭流而安往所貴乎今日
者非民彝物則而易依道德有淵源之坊教義如日月之表燮我來

高勉之戒之彼道東之建榜自海外而表章不循近世之渝習永寓
高山之景行真粹所在言不能窮聊將短撰助舉脩梁拋梁東一抹
陶山仰益崇炯々千秋寒水月流照方塘半斛中拋梁南翠壁明沙
影共涵雲壑漁磯何處足詩人得句興全酣拋梁西萬疊頭流入遠
睇瞻彼懸々千仞壁與誰今日共攀躋拋梁北二老云如有兩極手
把峨洋琴一彈四圍遺韻託同德拋梁上直向山巔奉聖像前途準
備攀升梯德宙陶峯有足仰拋梁下日夜汶川涇且瀉為念諸生勉
課程重樞疊棟起蜚金伏願上梁之後青年來學敦孝悌而行忠信
白手遊民勉工藝而力本農風流澤厚富義塲於師表地久天長後
肢體於帝表慎勿諉誤於流俗幸毋靈過此一生





